

TCHIMO

NDI

CHISOMO

TCHIMO NDI CHISOMO

Sitiyenera kufuna funa kumene tingakapeze uchimo, uchimo uli kale mkatи mwathu.

“Zikadakhala zosavuta uchimo ukudakhala mwa anthu owerengeka chifukwa oipawo akadapatulidwa padera ndi kuwawononga. Koma uchimo ulimwa ife tonse ndipo palibe amene angafune kuti awononge mtima wake.-Adatero bambo [Aleksandr Solzhenitsyn](#),aku [Gulag Archipelago](#) amene adakhala mzaka za1918-1956

Gulag Archipelago

Iri ndi buku lolembedwa ndi Aleksandr Solzhenitsyn mmene ive adalembamo zimene zimachitika ku malo ena amene anthu amagwira ntchito moumulizidwa otchedwa Soviet forced labour camp .

Gawo lachitatu la zolemba zake lakhazikika pa kafukufuku wake komanso kudzionera yekha ndimaso. Iye mwini mlembi ali mboni chifukwa adakagwirapo ukapolo pa malo amenewa.



TCHIMO NDI CHISOMO

ARoma 3:9- 18 & 23.

Pakuti tinaneza kale Ayuda ndi a Helene omwe kuti onsewa agwidwa ndi uchimo. Monga kwalembedwa palibe mmodzi olungama inde palibe mmodzi. Onsewa apatuka, akhala opanda pake palibe mmodzi wakuchita zabwino, inde palibe mmodzi ndithu . Mmero mwawo muli manda apululu ndililime lawo amanyenga ululu wa mamba uli pansi pa milomo yawo.

Mkamwa mwawo mudzala ndi zotemberera

ndi zowawa. Miyendo yawo ichita liwiyo kukhetsa mwazi. Kusakaza ndi kusauka kuli mnjira zawo. Ndipo njira yamtendere sanaidziwa. Kumuopa Mulungu kulibe pamaso pawo 23 pakuti onse anachimwa naperewera pa ulemerero wa Mulungu..

Okhulupirira Sakhala munthu wabwino pa yekha koma ali omasulidwa mwa chisomo cha Mulungu adatero bambo-

DR. MARTYN LLOYD-JONES



UCHIMO NDI CHISOMO

Uku kunali kubvomereza kwa David munthu amene anali wa pamtima pa Mulungu amene Mulungu adamugwiritsa ntchito kulanditsa ana a Israyeli mmanja mwa Afilisiti.

Masalmo 51:1-5.

*Mundichitire ine chifundo
Mulungu monga mwakukoma
mtima kwanu, monga mwa
unyinji wa nsoni zokoma zanu.
Mufafanize machimo anga .*

*Mubwerezekunda
mphulupulu yanga. Ndipo
mundiyeretse kundichotsera choipa changa. Chifukwa ndazindikira
machimo anga, ndipo choipa changa chiripamasopanga chikhali.
Pa inu pa inu nokha ndinachimwa, ndipo ndinachita choipacho
pamasopanu. Kuti mukhale olungama polankhula inu. Mukhalenso
oyera pakuweruza kwanu. Onani ndinabadwa mphulupulu, ndipo
amayi wanga anandibala mzoipa.*



*Mundilengere
mtima oyera
Mulungu
Masalmo
51:10*

UCHIMO NDI CHISOMO

Monga Mulungu amaziulura yekha kwa ife, amathanso kutiulura kwa ife tokha, pakuti ndife onyengedwa ndi uchimo komanso oziyesera tokha apamwamba oposa.

Yesaya: 6:1 ndi 5.

Ndipo ine ndinati Tsoka kwa ine! Chifukwa ndathedwa, chifukwa ndiri munthu wa milomo yonyansa chifukwa maso anga aona mfumu, Yehova Wamakamu.

Luka 5:8.

Koma Simoni Petro, pamene anaona, anagwa pansi pamabondo ake a Yesu, nanena, Muchoke kwa ine Ambuye, chifukwa ndine munthu ochimwa.

**Ndine munthu ofooka
komanso ochimwa koma Mulungu
amaika dzanja lake pa ine. Adatero
bambo**

Alan Paton

UCHIMO NDI CHISOMO

Yobu

Yobu 42:4-6.


Tamveranitu, ndidzanena ine, ndidzakufunsani , mmundidziwitse . Kumva ndidamva mbiri yanu, koma tsopano ndikupenyani maso. Chifukwa chake ndekha ndidzinyansa ndikulapa mfumbi ya mapulusa.

Paulo

1 Timoteo 1:15 ndi 16.

Mauwa ali okhulupirika ndioyenera konse kuti awalandire, kuti Khristu Yesu anadza kudziko lapansi kupulumutsa ochimwa, wa iwowa ine ndine oposa.

Bkomatu mwa ichi anandichitira chifundo, kuti mwa ine woyamba, Yesu Khristu akaonetsera kuleza mtima kwake konse, kukhale chitsanzo cha kwa iwo akukhulupira pa Iye mtsogolo kufkira moyo wosatha.



Kuti uthe kuziona wekha uyenera kumuona Ambuye Yesu.

Kodi munamuona Ambuye?

1 Yohane 3:6.

Yense wakuchimwa sanamuone Iye ndipo sanamodziwa.

Ngati inu mudamuona Ambuye mukadadziwa chifuka chimene Yohane adanenera mawuwa. Yesu amadziulura Yekha kwa anthu amene amafunitsitsa chilungamo cha Mululungu ndipo amathana ndi uchimo umene umaonekera mmoyo mwa munthu amene ali ololera chifuniro cha Mulungu kuti chichitike mwa iye. *I seek me and find me, when you seek me with all your heart.*

AHebrew 11:6.

Ali wobwezera mphotho iwo akumfuna iye.

Chibvumbulutso 3:17-18.

Chifukwa unena kuti ine ndine wolemera, ndipo chuma ndiri nacho osasowa kanthu, ndipo sudziwa kuti ndiwe wa tsoka, ndiwochititsa chifundo, ndi wosauka ndi wakhungu, ndi wausiwa: ndikulangizaugulekwa ine golidi woyengeka mmoto kuti ukhale wachuma ndi zovala zoyerwa kuti ukadzibveke, ndikuti manyazi awusiwa wako asaoneke, ndimankhwala opaka mmaso mwako kuti

UCHIMO NDI CHISOMO

1Yohane 1:5-10.

Ndipo uwu ndi uthenga tidaumva kwa Iye, ndipo tiulalikira ka inu, kuti Mulungu ndiye kuunika ndipo mwa Iye monse mulibe mdima. Tikati tiyanjana ndi Iye ndipo tiyenda mumdima, tinama ndipo sitichita choonadi, koma ngati tiyenda mkuunika monga Iye ali kuunika tiyanjana wina ndi mzake ndipo mwazi wa Yesu mwana wake utisambitsa kutichotsera uchimo wonse..

Tikati tilibe uchimo tidzinyenga tokha ndipo mwa ife mulibe choonadi. Ngati tibvomereza machimo athu ali okhulupirika ndi olungama Iye kuti atikhululukire machimo athu ndikutisambitsa kutichotsera chosalungama chirichonse .Tikanena kuti sitidachimwa timuyesa Iye onama, Ndipo mau ake sakhala mwa Ife.

1Yohane 2:1

Tiana tanga izi ndikulemberani kuti musachimwe. Koma akachimwa wina, Nkhoswe tiri naye kwa Atate, ndiye Yesu Khristu wolungama. Ndipo Iye ndiye chiombolo cha machimo athu, koma osati athu okha komanso adziko lonse lapansi.

UCHIMO NDI CHISOMO

Okhulupilira akachimwa tchimo lake limaonekera ndipo amatsutika kufikira atalapa ndipo sangathe kuyenda mumdima.

Yohane 8:12.

Pamenepo Yesu analankhula nanena, Ine ndine kuunika kwa dziko lapansi iye wonditsata ine sadzayenda mumdima, koma adzakhala nako kuunika kwa moyo.

Masalmo 90:8.

Munaika mphulupulu zathu pamaso ndi zoipa zathu pounikira nkhope yanu.

Yohane 3:20-21.

Pakuti yense kakuchita zoipa adananako kuunika, ndipo sakudza kwa kuunika kuti zingatsutsudwe ntchito zake. Koma wochita choonadi adza kukuunika, kuti ntchito zake zioneke kuti anadzichita mwa Mulungu.

UCHIMO NDI CHISOMO

Uthenga wakulapa machimo suli olandirika kwa anthu ambiri a mbadwo uno.

Anthu mbiri amayesa kuti uthenga wakulapa uchimo sulinso ofunika munyengo yathu yino imene maufulu aanthu alikulimbikitsidwa padziko lapansi. Koma Akhristu oonadi amazindindikira zoonadi za mawu a Mulungu. Mawu a Mulungu sadzasintha. Uthenga wotsutsa tchimo uli wa mphamvu monga mmene unali mzaka zikwi ziwiri zapitazo.

**Dziko likunena kuti aliyense achite monga mwachisankho chake,
posankha chabwino kapena choipa..**

Mzaka zapitazo unali mlandu wa ukulu ku Rome kutaya mwana kunja kuti afe.

Lero kuchotsa mimba kuli

kulimbikitsidwa

ndi kubvomelezeka ndi maiko ambiri koma
ndi kupha mwana wosabadwa.



Anthu
amaapeputsa
Tchimo
lakutaya
mimba!

Tchimo ndiko kusachita chifuniro cha Mulungu

Mulungu ndiye angatanthauzire tchimo osati munthu

1 Yohane 3:4.

Yense wakuchita tchimo achitanso kusayeruzika ndipo tchimo ndilo kusayeruzika.

Kutanthauzira kwa Strong's concordance

Mawu akuti kusayeruzika; amatanthauza kukana chifuniro cha Mulungu. Kukana mawu ake a moyo.

Tchimo ndi kuchita chifuniro chako pokana chifuniro cha Mulungu.

Mateyu 7:21-23.

Si yense wakunena kwa ine, Ambuye, Ambuye adzalowa mu ufumu wakumwamba, koma wakuchitayo chifuniro cha Atate wanga wa kumwamba. Ambiri adzati kwa Ine tsiku lomwelo, Ambuye Ambuye kodi sitinanenera mawu mdzina lanu, ndi mdzina lanunso kuturutsa mizimu yoipa, ndikuchitanso mdzina lanu za mphamvu zambiri? ..23 Inu akuchita kusayeruzika

AMBIRI
ANDITCHULA
AMBUYE
KOMA
SACHITA
CHIFUNIRO
CHA ATATE
-- YESU

Chinyengo cha uchimo

Tchimo sikungochita zoipa mwadala koma liri kunyengedwa ndi maganizo athu ndi kusankha kusamvera chifuniro cha Mulungu chodzera mmawu ake komanso chilangizo cha u Mulungu.

Satana adagwiritsa njira yomweyi ponyenga Hava mmunda muja komanso pomuyesa Yesu nthawi yakusala chakudya kwa masiku makumi anayi.

2 Akorinto 11:2-4.

Pakuti ndichita nsanje pa inu ndi nsanje ya Mulungu, pakuti ndinakupalitsani ubwenzi mwamuna mmodzi, kuti ndikalangize inu ngati namwali woyerwa mtima kwa Khristu. Koma ndiopa, kuti monga njoka inanyenga Heva , ndikuchenjera kwake , maganizo anu angaipsidwe kusiyana nako kuona mtima ndi kuyera mtima ziri kwa Khristu. Pakutitu ngati iye wakudza alalikira Yesu wina amene ife sitinalalikira , kapena ngati mulandira Mzimu wa mtundu wina, amene simunalandira, kapena uthenga wabwino wa mtundu wina umene simunaulandira mulolana bwino lomwe .

Masiku ano anthu ali kudalira mzeru ndimaganizo awo kusiya chifuniro cha Mulungu.

Chinyengo cha Uchimo

Satana amatinyenga potichotsera kumvera kwathu kwa Mulungu ndikutilimbikitsa kutsata maganizo athu.

Genesis 3:1-6.

Ndipo njoka inali yakuchenjera yoposa za moyo zonse za mthengo anazipanga Yehova Mulungu. Ndipo inati kwa mkaziyo Ea! Kodi anatitu Mulungu, usadye mitengo yonse ya mmundamu? Mkaziyo ndipo anati kwa njoka, Zipatso za mitengo ya mmundamu tidye , koma zipatso za mtengo umene uli mkgati ma munda, Mulungu anati, musadye umenewu, musakhudze umenewu, mungadzafe. Njokayo ndipo inati kwa mkaziyo, kufa simudzafai, chifukwa adziwa Mulungu kuti tsiku limene mukadya umenewu, adzatsekuka maso anu, ndipo mudzakhala ngati Mulungu, wakudziwa zabwino ndi zoipa. Ndipo pamene anaona mkaziyo kuti mtengo unali wabwino kudya, ndikuti unali okoma mmaso, mtengo wolakalakika, wakupatsa nzeru, anatenga zipatso zake nadya, napatsanso mwamuna wake amene anali naye, nadya iyenso.



Chinyengo cha tchimo.

**Satana amatinyenga ife potichotsera kumvera kwathu kwa
Mulungu ndi kutsata maganizo athu ndi mzeru zathu.**

1 Samueli 15:1-3 ndi 13-23.

*Ndipo Samueli ananena ndi Sauli, Yehova ananditumiza ine
kukudzozani mukhale mfumu ya anthu ake Aisrayeli; chifukwa chake
tsono mumvere kunena kwa Mau a Yehova. Atero Yehova a makamu,
ndinaonerera chimene a Meleki anachitira Israyeli, umo anamlalira
panjira, mmene iye anakwera kuturuka m'Aigupto. Muka tsopano,
mukanthe Ameleki, nuononge konse konse zonse ali nazo,
usawalekerere, mkazi, mwana ndi oyamwa, ng'ombe ndi nkhosa
ngamira ndi buru.*

*Ndipo Samueli analawirira mmawa kuti akakomane ndi Saulo,
ndipomunthu anamuza Samueli kuti Sauli anafika ku Kalimeli,
ndipo taonani, anaimika chikumbutso chake, nazungulira, napitirira,
natsikira ku Giligala. Ndipo Samueli anadza kwa Sauli; ndipo Sauli
anati kwa iye, Yehova akudalitseni, ine ndachita lamulo la Yehova.*

Chinyengo cha uchimo.

1 Samueli 15:12-24.

..... Ndipo Samueli anati, kodi Yehova akondwera ndi nsembe zopsereza ndinsembe zophera monga ndi kumvera mau aYehova. Taonani kumvera ndiko kokoma koposa nsembe kutchera khutu koposa mafuta ankhosa za mphongo. Pakuti kupanduka kuli ngati choipa chakuchita nyanga, ndi mtima waliuma uli ngati kupembedza milungu ya chabe ndi maula.

Popeza inu munakaniza mau a Yehova, Iyenso anakaniza inu, kuti simudzakhalanso mfumu.



Chinyengo cha Uchimo

Tchimo sikungochita zinthu zoipa komanso kusamvera Mulungu.

Yona anachimwira Mulungu chifukwa chamaganizo ake akuti
Mulungu ayenera kulanga anthu aku Nenevi osawakhululukira konse
ngakhale kuwapatsa mwayi wakulapa.

**kodi Mulungu atakutumani kuti mupite kukalalikira ku Isis,
mukhoza kupita?**

Yona 1:1-3.

*Ndipo mawu a Yehova anadza
kwa*

*Yona mwana wa Amitai ndi
kuti nyamuka pita ku Ninevi
mudzi wa ukuruwo,
nulalikire motsutsana
nawo, pakuti choipa chawo
chandikwerera pamaso
panga. Koma Yona
ananyamuka kuti athawire ku Tarisi*



Chinyengo cha uchimo.

Yeremiya 17:9.

Mtima ndiwo wonyenga koposa ndiwosachiritsika, ndani angathe kuudziwa?

AHebri 3:13.

Komatu dandauliranani nokha tsiku ndi tsiku pamene patchedwa lero ndi kuti angaumitsidwe wina wa inu ndichenjerero la uchimo.

Chifukwa mitima yathu iri yogwidwa ndi uchimo ndikoyenera kuti Ambuye azisanthula mitima yathu.

Masalmo 139:23.

Mundisanthule Mulungu nimudziwe mtima wanga, mundiyese nimudziwe zolingalira zanga..

AHebri 4:12.

..Nazindikiritsa zolingalira ndi zitsimikizo za mtima..

Pamene uchimo waonetseredwa tiyenera kulapa

Psalm 66:18.



Ndibwino kumvera
Mulungu osati zofuna
za mtima. Jeremiya
29:9

Tchimo ndi kukana Ulamuliro wa Mulungu

Mateyu 8:8-13.

*Koma Kenturiyoyo anabvomera nati Ambuye
sindiyenera kuti mukalowe pansi pa chindwi
langa iai, koma
mungonena mawu, ndipo adzachiritsidwa
nyamata wanga .*

*Pakuti inenso ndiri munthu wakumvera
ulamuliro, ndirinawo asilikali akundimvera ine,
ndipo ndinena kwa uyu muka ndipo amuka.*

*Ndikwa wina idza,nadza, ndi kwa akapolo anga chita ichi nachita
Ndipo pakumva ichi Yesu anazizwa nati kwa iwo akuntsata, indetu
ndinena kwainu , ngakhale mwa Israeli sindfinapeze chikhulupiliro
chotere...*

KOMA: Ambuye akatiuza ife kuti tiuke sitimuka, akati Tisale
chakudya sitisala, akati tipemphere sitipemphera, tipereke chakhumi,
sitipereka, tikhululukire sitikhululukira, sitisonkhana mokhulupirika,
komanso sitipempherera iwo amene ali mu ulamuliro. Pali zinthu



Tchimo ndiko kukana Ulamuliro wa Mulungu

Luka 6:46-49.

Ndipo munditchuliranji ine Ambuye ndikusachita zimene ndizinena? Munthu aliyense wakudza kwa ine ndikumva mau anga, ndikuwachita ndidzakusonyezani iye amene afana naye. Iye afanana ndi munthu wa kumanga nyumba amene anakumba pansi ndithu namanga maziko anyumbayo pathanthwe; ndipo pamene panadza chigumula, mtsinje inagunda pa nyumbayo ndipo sinakhoze kuigwedeza chifukwa idamangika bwino. Koma iye amene akumva koma asakuchita, afanana ndi munthu wakumanga nyumba yake panthaka yopanda maziko, pa imeneyo unagunda mtsinje, ndipo inagwa pomwepo, ndipo kugumuka kwake kwa nyumbayo kunali kwakukulu.



Tchimo ndiko kukana ulamuliro wa Mulungu

Sitikhala osamvera Mulungu kokha komanso Maulamuliro onse amene anaikidwa.

Timapeputsa ulamuliro a abwana athu, amuna athu, boma lathu, komanso makolo athu chifukwa timaganiza kuti timadziwa zinthu zonse bwino.

Hava anali kuganiza kuti anali kudziwa bwino kuposa Mulungu.Ndimmenenso Aaron ndi mfumu Saulo adachitira komanso ena ameneadatengera machitidwe oipawa. Iwo adatsatira zolingalira zawo kusiya chifuniro cha Mulungu.

kumvera sikungachitike ngati palibe kulimbana

**Mchifukwa chake sikukwanira kutanthauzira uchimo ngati
kuchita zoipa zokha monga kuba chigololo, tchimo ndikusachita
chifuniro cha Mulungu chiri chonse chokhudza moyo wako.**

KODI YESU NDI AMBUYE WA MOYO WAKO?


Tchimo ndiko kukanaUlamuliro wa Mulungu.

Kumva Mau aMulungu sikukwanira pa kokha kufikira utachita chimene wachimvacho. Tiyenera kubisa mau Amulungu mumtima mwathu osati mmalingaliro chabe.

Yakobo 1:23-25

Pakuti ngati munthu ali wakumva
mau osati wakuchita iyeyu
afanana ndi munthu
wakuyang'anira nkhope yake
yachibadwidwe chake mkalilole
. Pakuti wadziyang'anira yekha
nachoka naiwala pompaja
analiwotani. Koma iye
wakupenyerera mulamuro langwi la
ufulu, natero chipenyere, ameneyo sakhala wakumva wakuyiwala,
komatu wakuchita ntchito, adzakhala wodala mkuchita kwake..

Maliro 3:40. Ntisanthure, ntiyese njira zathu mtibwerenso kwa
Yehova .



*Ndinawabisa
mau anu
mumtima
mwanga
kuti
ndisalakwire
inu
Masalmo
119:11*

Chiyembekezo cha ochimwa ndi chifundo cha Mulungu.

Psalm 103:1-14.

lemekeza Yehova moyo wanga, ndi zonse za mkati mwanga zilemekeze dzina lake loyera. Lemekeza Yehova moyo wanga, ndikusaiwala zokoma zake zonse atichitirazi. Amene akhululukira mphulupulu zako zonse, nachiritsa nthenda zako zonse. Amene awombola moyo wako ungaonongeke; nakubveka korona wachifundo ndi nsoni zokoma. Amene akhutitsa mkamwa mwako ndi zabwino. Nabweza ubwana wako unge phungu. Yehova achitira onse osautsidwa chilungamo ndichiweruzo. Analangiza Mose njira zake, ndiana a Israyeli machitidwe ake. Yehova ndiye wa nsoni zokoma ndi wachisomo, wosakwiya nsanga ndi wa chifundo chochuruka, sadzatsutsana nawo nthawi zonse, ndipo sadzasunga mkwiyo wake kosatha. Sanachitire monga mwazolakwa zathu, kapena kutibwezera monga mwa mphulupulu zathu. Pakuti monga m'mwamba mutalikira ndi dziko lapansi motero chifundo chake chikulira iwo akumuopa Iye. Monga kum'mawa kutanimpha ndi kumadzulo motero anatisiyanitsira kutali zolakwa zathu.

Kodi ndinu oyenera chifundo cha Mulungu?

Ndipemphero liti limene inu mumapemphera?

Luka 18:9-14.

*Ndipo anatinso kwa ena amene adzikhulupiri
mwa iwo okha kuti ali olungama napeputsa
ena onse fanizo ili.*

*Anthu awiri anakwera kukachisi kukapemphe
winayo anali Mfarasi ndimzake wa msonkho
Mfarisiyo anaimirira napemphera izi mwa
yekha, Mulungu ndikuyamikani kuti sindiri
monga monga anthu onse ena opambapamb
osalungama, achigololo, kabenanso monga
wamisonkho uyu. Ndisala kudya kawiri
sabata limodzi ndipereka limodzi lamagawo
khumi la zonse ndiri nazo. Koma wamisonkhoyo ali kuima patali
sanafune ngakhalekukweza maso ake kumwamba kumwamba koma
anadziguguda pachifuwa pake nanena Mulungu mundichitire
chifundo, ine wochimwa. Ndinen a kwa anatsikira kunyumba kwake
woyesedwa olungama uyutu osati uja ayi. Pakuti yense akudzikuza
yekha adzachepetsadya koma adzachepetsa yekha adzakulitsidwa*



Kodi ndinu oyenera chifundo cha Mulungu?

ARoma 2:1-9 & 22-23.

Chifukwa chake uli opanda mau owiringula, munthu iwe, amene uliyense wakuweruza, wina, momwemo udzitsutsa iwe wekha, pakuti iwe wakuweruza umachita zomwezo. Ndipo tidziwa kuti kuweruza kwa Mulungu kuli koona pa iwo akuchita zotere. Ndipo uganiza munthu iwe amene umaweruza iwo akuchita zotere, ndipo uchitanso iwe mwini kuti udzapulumuka pa mlandu wa Mulungu? Kapena upeputsa kulemera kwa ubwino wake ndi chilekerero ndichipiliro chake wosadziwa kuti ubwino wa Mulungu ukubwezera kuti ulape? Koma kolingana ndi kuuma kwako, ndi mtima wako osalapa, uli kudziunjikira wekha padzuwa lamkwiyo ndi tsiku la kubvumbulutsa kuweruza kolungama kwa Mulungu. Kwa iwo amene afunafuna ulemerero ndi ulemu ndi chisaonongeko mwakupilira pa ntchito zabwino, adzawabwezera moyo wosatha. Koma kwa iwo andeu ndi osamvera choonadi koma amvera chosalungama adzawabwezera mkwiyo ndi kuzaza nsautso ndikuwawa mtima kwa munthu aliyense wa kuchita zoipa, kuyambira Myuda komanso Mhelene.

Kodi ndinu oyenera chifundo cha Mulungu?

Aroma 2:1-9&22-23.

..... *Iwe wakunena kuti munthu asachite chigololo, kodi uchita chigolo mwini wekha? Iwe wakudana nawo mafano, umafunkha za mkachisi kodi? Iwe wakudzitamandira pachilamulo kodi uchitira Mulungu mwano ndikulakwa kwakomchilamulo.*

Luka 18:1-14



*Ndikhululukireni
ndine wochimwa*

*Uyu sayenera
mkachisi
mwani*

Pemphero la wa misonkho

Tchimo la kudziyenereza

Matthew 7:1-5.

Musaweruze kuti mungaweruzidwe. Pakuti ndikuweruza kumene muweruza nako inunso mudzaweruzidwa, ndipo ndi moyeso umene moyesa nawo kuzayesedwa kwa inunso. Ndipo upenya bwanji Kachitsotso kali mdiso la mbale wako, koma mtanda uli mdiso la iwe mwini suuganizira. Kapena udzati bwanji kwa mbale wako tandilore ndichotse kachitsotso mdiso lako ndipo oona mtandawo ulimo mdiso lakoli. Wonyenga iwe!

Tayamba kuchotsa mdiso lako mtandawo, ndipo pomwepo udzapenyetsa kuchotsa kachitsotso mdiso la mbale wako.

M TANDA ULI MDISO LAKO!



Tchimo la kuziyenereza

Timakhala otanganidwa kuchotsa tidzitsotso mmaso mwa abale pamene chimtanda chiri mmaso mwathu ndipo mwachisomo Ambuye amachita nafe pamene ife timafuna kuoneka ngati ochita bwino kwa anthu ena. (Tiyenera kuthana ndi moyo woziyenereza.

Yakobo 1:26.

Ngati wina adziyesera ali wopembedza Mulungu ndiye wosasamala lilime lake, koma adzinyenga mtima mwake, kupembedza kwake kwa munthuyu nkopanda pake.

Yakobo 2:12-16.

Lankhulani motero chitani motero monga anthu amene adzaweruzidwa ndi lamulo la ufulu. Pakuti chiweruzo chiribe chifundo kwa iye amene sanachite chifundo; chifundo chidzitamandira motsutsana nacho chiweruzo.



LAPANI

Tchimo lodandaula dandaula

Afilipi 2:14-15.

Chitani zonse kopanda mandaulo ndi makani kuti mukakhale osalakwa ndi oona ana a Mulungu opanda chilema pakati pa mbadwo okhotakhota ndiwopotoka mwa iwo amene muonekera monga mauniko adziko lapansi.

Yakobo 5:9

Musaipidwe wina ndi mzake, abale, kuti mungaweruzidwe taonani oweruza aim a pakhomo.

1Akorinto10:9-11

10Kapena musadandaula, monga ena a iwo adadandaula naonongeka ndi woonongayo .



LEKANI
KUDANDAULA

Chikumbumtima changwiro sichitanthauzira chiyero

Tikhoza kubisira ena zinthu za moyo wathu koma Mulungu amadziwa zonse za ife.

Paulo amadziwa kuti ngakhale chikumbumtima chake chinali cha ngwiro komabe amazindikira kuti anali munthu wochimwa.

1Akorinto 4:3-5.

Koma kwa ine kuli kanthu kakang'ono ndithu kuti ndiweruzidwe ndi inu kapena pabwalo la munthu, koma sindiweruza ngakhale ndekha, pakuti sindidziwa kanthu kakundiparamulitsa, koma mmenemo ndiyesedwa wolungama, koma ondiweruza ine ndi Ambuye. Chifukwa chake musaweruze kanthu isanadze nthawi yake, kufikira akadze Ambuye, amenenso adzaonetse zabisika za mdima, nadzaonetsa zitsimikizo za mtima ndipo pamene po yense adzakhala nawo uyamiko wake wa kwa Mulungu.

**Chikumbumtima changa
chiri changwiro
koma malingaliro
anga ali oipa.**

Adanena mawu awa sadziwika

Kodi Manase adayenera chifundo cha Mulungu?

2 Mbiri 33:1-16.

Manase anali wa zaka khumi ndi ziwiri polowa ufumu wake, nakhala mfumu m'Yerusalemu zaka makumi asanu mphambu zisanu. Nachita choipa pamaso pa Yehova, monga mwa zonyansa za anthu amitundu amene Yehova anawachotsa mdziko mwao pamaso pa ana aIsraeli. Pakuti anamanganso misanje adayipasula Hezekiya atate wake, nautsira Abaala maguwa ansembe, napanga zifanizo, nalambira khamu lonse la kuthambo, nalitumikira. Namanga maguwa ansembe m'yumba ya Yehova, imene Yehova adati, M'yerusalemu mudzakhala dzina langa kunthawi zonse. Namangiranso khamu lonse la kuthambo maguwa ansembe mabwalo awiri a nyumba ya Yehova.




Kodi manase adayenera kulantira chifundo?

2 Mbiri 33:1-16.

Anapititsanso ana ake pa moto mchigwa cha ana a Hinomu, naombedza maula, nasamalira malodz, nachita za nyang, naika obwebweta ndi openduza, anachita zoipa zambiri pamaso pa Yehova kuutsa mkwiyo wake.


*Ndipo anaika chifanizo chosema chafanolo adachipanga m'yumba ya Mulungu imene Mulungu
adati kwa Davide ndi Solomo mwana
wake M'nyumbamuno ndi M'yerusalem
umene ndausankha mmafuko onse a
Israyeli ndidzaika dzina langa
kunthawi zonse. Ndipo
sindidzasunthanso phazi la Israyeli
kudziko limene ndaliikira makolo
anu; pokhala asamalire chilamulo
chonse, ndi malemba, ndi maweruzo
mwa dzanja la Mose pamasopa
Israyeli Koma Manase analakwisa
Yuda ndi okhala m'Yerusalem kotero
kuti anachita choipa koposa amitundu,
amene Yehova anawaononga*



Kodi Manase adayenera chifundo cha Mulungu?

2 Mbiri 33:1-16 (kupitiliza)


Ndipo Yehova analankhula ndi Manase ndi anthu ake koma sanasamalira. Motero Yehova anawaukitsira akazembe akhamu la nkhondo la mfumu ya Asuri namgwira Manase ndi zokowera, nammanga matangadza, namukanaye ku Babulo. Ndipo popsinjika iye anapembedza Yehova Mulungu wake, nadzichepetsa kwambiri pamsa pa Mulunguwa makolo ake, Anapempha ndipo anapembedzeka, namvera kupembedza kwake Nambwezera ku Yerusalemu m'ufumu wake



Kodi Manase amayenera chifundo cha Mulungu?

2Mbiri 33:1-16 (Kupitiliza)

Pamenepo anadziwa Manase kuti Yehova ndiye Mulungu
Chitatha ichi tsono iye anaumangira mudzi wa Davide linga lakunja,
Kumadzulo kwa Gihoni,mchigwa mpaka
polowera pa chipata cha nsomba, nazinga
Ofeli nalikweza kwambiri; anaikanso
akazembe ankhondo m' midzi yonseya
malinga ya m'Yuda. Ndipo anachotsa
Milungu ya chilendo, ndi fanolo m'yumba
ya Yehova ndi m'Yerusalemu nawataya
kunja kwa mudzi. Namanga guwa la nsembe
la Yehova, napherapo nsembe za mtendere
ndi zoyamika, nalamulira Yuda atumikire
Yehova Mulungu wa Israyeli.



Mulungu amaperekwa chisomo kwa odzichepetsa.

1 Petro 5:5

Koma nonsenu mubvale kudzichepetsa kuti mutumikirane , pakuti
**MULUNGU AKANIZA ODZIKUZA, KOMA APATSA CHISOMO
KWA ODZICHEPETSA..**

Yesaya 2:12

Chifukwa padzakhala tsiku la Yehova wamakamu pa zonse zonyada ndi zakudzikuza , ndi pa zonse zotukulidwa; ndipo zidzatsitsidwa.

Daniel 4:37

Tsono ine Nebukadinezara ndinayamika, ndikukuza, ndikulemekeza mfumu ya kumwamba, pakuti ntchito zake zonse nzoona, ndi njira zake chiweruzo, ndi oyenda mkuzikudza kwawo Iye akhoza kuwachepetsa.

Masalimo 138:6

Angakhale Yehova ngwokwezeka , apenyanso opepukayo, koma odzikudza amdziwira kutali.

Mulungu amaperekwa chisomo kwa odzichepetsa.

Potsatira nkhaniyi mlembi komanso Mlaliki Luis Palau adalemba kuti:

Ndithokoza Ambuye chifukwa chisomo chake sichiri cha chilungamo, izi adalankhula chifukwa cha msuweni wake wina amene anali ochimwitsitsa komanso okonda zachiwerewere kufikira kuti adape zeka ndi kachilombo koyambitsa nthenda ya AIDS (Dzina la msuweni wakeyo linali Kenneth) M'nthawi imene mlembiyu adakomanso ndi Kenneth ndi pamene iye adapitanso ku mpoto kwa Californiya apa mkuti Kenneth alikudwala kwambiri pafupi Imfa.

"Kenneth, Ukudziwa kuti nthawi iliyonse umwalira, kodi udalandira moyo wosatha? Makolo ako sakudziwa kanthu chonde ndidziwitse ine"

"Luis, Ndikudziwa kuti Ambuye adandikhululukira ndipo ine ndikamwalira ndidziwa ndilikupita kumwamba" Iye adatero poyankha.

Kenneth ulikupita kumwamba bwanji pamene wakhala uli kutsutsana ndi **Baihulo komanso kusautsa hanja lako?**

Mulungu amaperekwa chisomo kwa odzichepetsa

"Luis, Pamene adotoro adandiuzza kuti ndiri ndi AIDS, ndinazindikira kuti ndinali opusa pa ntchito zanga zoipa."

“Ndinali kudziwa kuti ndidakala ngati wamwano pomuyankha koma ndinali kudziwa zimene Baibulo imanena kuti kugonana amuna okha ndi tchimo. Iye adapitiliza kundifunsa ngati ndidalapa machimo anga. Ndadamuyankha kuti ndidalapa, Mulungu anandichitira chifundo. koma bambo anga sakhulupilira kuti ndinalapa.

Bambo anga sakhulupilira chifukwa ndidakala osawamvera kwa nthawi yayitali ndipo ndinavuluza mtima wawo. Koma kodi kenneth udatsekula mtima wako kwa Yesu? Ndipo ndinamuyankha Luis kuti inde, inde.

Mulungu amaperekwa chisomo kwa odzichepetsa.

Pamene ndinakumbatirana naye mwa kanthawi ndinazindikira kuti Mulungu adamukhululukiradi ndipo machimo ake adasambitsidwa ndi mwazi wa Yesu. Monga mbala ija yopachikidwa pamtanda sinali yoyenera chisomo koma Ambuye adayichitira chifundo chachikuru.

Mulungu amaperekwa chisomo kwa odzichepetsa Yakobo 4:6-10.

Koma apatsa chisomo choposa Potero anena malembo, Mulungu akaniza odzikuza koma apatsa chisomo odzichepetsa. Potero mverani Mulungu koma kanizani mdierekezi, ndipo adzakuthawani inu.

Yandikirani kwa Mulungu ndipo adzayandikira kwa inu. Sambani manja ochimwa inu yeretsani mitima amitima iwiri inu. Khalani osautsidwa, lirani lirani misozi, kuseka kwanu kusanduke kulira, ndichimwemwe chanu chisanduke chisoni. Dzichepetseni pamaso pa Ambuye, ndipo adzakukwezani.

FREE MINISTRY DOWNLOADS



Mlembi: Ken Paynter

- Omasulira Mchichewa: David Makiyi (malawi)**

For more ministry downloads visit:

<http://www.agfbrakpan.co.za/ministry-archives.aspx>

- For more ministry downloads by Ken Paynter visit:**

<http://www.agfbrakpan.co.za/ministry-archives.aspx?speaker=Ken%20Paynter>

COPYRIGHT INFORMATION

- NOTE 1: Biblical illustrations by Jim Padgett, courtesy of
<http://sweetpublishing.com>
- Unless otherwise stated, Scripture quotations are taken from the NIV:
 - THE HOLY BIBLE, NEW INTERNATIONAL VERSION®, NIV®
Copyright © 1973, 1978, 1984, 2011 by Biblica, Inc.™
Used by permission. All rights reserved worldwide.
- Scripture quotations taken from the NASB:
 - New American Standard Bible®,
Copyright © 1960, 1962, 1963, 1968, 1971, 1972, 1973, 1975, 1977,
1995 by The Lockman Foundation
Used by permission. (<http://www.Lockman.org>)